

Suliffeqarfissuit immikkoortortallit, suliffeqarfissuarni piginnittut aalajanger-simasumillu ingerlatsiviusut akornanni nakkutigisaasumik nussuisarnerit akiinik aalajangersaasarnerit pillugit malitassat nalilersoqqissaaqqullugit inernalu UKA2019-imi agguateqqullugu Naalakkersuisut peqquneqarnissaannik Inatsisartut aalangiiffigisassaattut siunnersuut (“Transfer-pricing”). Matumani siunertarinearpoq akileraartarnikkut pilersarutipalaalersorinnaanerit pinngitsoortinniarlugit malitassat sukateriffigineqarsinnaanerit, taassumalu ataani ulluinnarni ingerlatsinerit ataqineqarnissaat
Inatsisartunut ilaasortamit Henrik Fleischerimit, Siumut, saqqummiunneqartoq

pillugu

Aningaasaqarnermut Akileraartarnermullu Ataatsimiititaliap

siunnersuutip aappassaaneerpeqarneranut

ILASSUTITUT ISUMALIUTISSIISUTAA

Ataatsimiititaliap suliarinninnermini kingullermik ilaasortarai:

Inatsisartunut ilaasortaq Karl Kristian Kruse, Siumut, siulittaasoq
Inatsisartunut ilaasortaq Aqqaluaq B. Egede, Inuit Ataqatigiit, siulittaasup tullia
Inatsisartunut ilaasortaq Niels Thomsen, Demokraatit
Inatsisartunut ilaasortaq Jess Svane, Siumut
Inatsisartunut ilaasortaq Múte Bourup Egede, Inuit Ataqatigiit
Inatsisartunut ilaasortaq Mala Høy Kuko, Siumut
Inatsisartunut ilaasortaq Jens Napátók', Partii Naleraq

Siunnersuuteqartup kissaateqarneratigut siunnersuutip aappassaaneerpeqarnera unitsinneqarpoq siunnersuullu Aningaasaqarnermut Akileraartarnermullu Ataatsimiititaliamit suliarineqaqqittussanngorlugu innersuunneqarluni.

Ataatsimiititaliap siunnersuummik suliarinninnera

Siunnersuutip aappassaaneerpeqarneranut isumaliutissiisummini Aningaasaqarnermut Akileraartarnermullu Ataatsimiititaliaq allannguutissatut siunnersuummik imaattumik saqqummiussivoq:

Suliffeqarfissuit immikkoortortallit, suliffeqarfissuarni piginnittut aalajanger-simasumillu ingerlatsiviusut akornanni nakkutigisaasumik nussuisarnerit akiinik aalajangersaasarnerit pillugit malitassat taakkulu aqutsivigineqarnerat nalilersoqqissaaqqullugit inerneralu UPA2024-mi agguateqqullugu Naalackersuisut peqquneqarnissaannik Inatsisartut aalajangiiffigisassaattut siunnersuut (“Transfer-pricing”). Matumani siunertarineqarpoq akileraartarnikkut pilersarutipalaalersorsinnaanerit pinngitsoortinniarlugit malitassat sukateriffigineqarsinnaanerit, taassumalu ataani ulluinnarni ingerlatsinerit ataqqineqarnissaat.

Nalilersuinissamut 2024-mi piffissaliinikkut aalajangiiffigisassatut siunnersuut atorunnaarsinnaanera imaluunniit assersuutigalugu Inatsisartunut qinersinissamik nalunaaruteqartoqarneratigut puigorneqarsinnaanera aarleqqutigineqarsinnaasoq aappassaaneerinninnermi siunnersuuteqartup oqaatigaa. UPA 2020-mut killiliinissaq naleqqunnerusoq isumaqarpoq.

Tassunga atatillugu UPA 2014-mut piffissaliinermi Naalackersuisut tunngavilersuutaat ataatsimiititaliap allannguutissatut siunnersuutigeqqaakkamini tunngavigisimammagu ataatsimiititaliamit oqaatigineqassaaq. Aappassaaneerinninnermi unitsinneqartumi siunnersuuteqartup isumakuluutitut saqqummiussaa ataatsimiititaliamit tamakkiisuunngikkaluamik isumaqatigineqarsinnaavoq. Taamaalillunilu nalilersuinissamut sivikinnerusumik piffissaliinissap aalajangersarnissaa ataatsimiititaliamit piareersimaffigineqarpoq, naak nalilersuinerup 2020-mi saqqummiunneqarnissaanik siunnersuuteqartup kissaataa qanippallaartutut isigineqaraluartoq, tassami aningaasarsianit akileraarutit pillugit inatsimmi allannguut UKA 2018/191 aqqutigalugu akuerineqartoq 2019-imi aatsaat atuutilissammat. Taamaattumillu nalilersuinerimik siusinnerpaamik UPA 2021-mi saqqummiussisoqartariaqartoq ataatsimiititaliaq isumaqarpoq. Taamaattumillu allannguutissat siunnersuut iluarsisaaq imaattoq ataatsimiititaliamit saqqummiunneqarpoq:

Suliffeqarfissuit immikkoortortallit, suliffeqarfissuarni piginnittut aalajanger-simasumillu ingerlatsiviusut akornanni nakkutigisaasumik nussuisarnerit akiinik aalajangersaasarnerit pillugit malitassat taakkulu aqutsivigineqarnerat nalilersoqqissaaqqullugit inerneralu UPA2021-mi agguateqqullugu Naalackersuisut peqquneqarnissaannik Inatsisartut aalajangiiffigisassaattut siunnersuut (“Transfer-pricing”). Matumani siunertarineqarpoq akileraartarnikkut pilersarutipalaalersorsinnaanerit pinngitsoortinniarlugit malitassat sukateriffigineqarsinnaanerit, taassumalu ataani ulluinnarni ingerlatsinerit ataqqineqarnissaat.

Ataatsimiititaliap inassuteqaatai

Aningaasaqarnermut Akileraartarnermullu Ataatsimiititaliap allannguutissatut siunnersuutaa akuerineqassasoq ataatsimiititaliap isumaqatigiittup inassutigaa.


Taama oqaaseqarluni isumaliutissiisummilu allasimasutut paasinnilluni ataatsimiititaliap siunnersuut aappassaaniigassanngortippaa.




Aqqaluaq B. Egede
Siulittaasup tullia



Jess Svane



Múte Bourup Egede
Fur



Karl Kristian Kruse
Siulittaasoq



Niels Thomsen



Mala Høy Kuko



Jens Napātôk'